

乾隆烏程縣志

烏程縣志卷之十四

經籍金石附

嘗覽前史經籍志作者如林簞矢具列而訪其遺書什不半在歐陽公以爲如草木榮華之飄風鳥獸好音之過耳豈不重可歎哉若夫斷碑殘碣出於荒厓破冢之餘者邑固無幾然往牒可徵陳迹未泯臚其目以存其名亦承用史家之體例焉爾志經籍第二十八

王韶之晉安帝陽秋

宋書本傳父偉之爲烏程令因居縣境好史籍博涉多聞泰元暨安時事小大悉撰錄之因私撰安帝陽秋就成時人謂宜居史職除著作佐郎使續後事訖義熙九年善序事詞論可觀爲後代佳史  
宋通志藝文略  
作晉紀十卷

王韶之集二十四卷 隋書經籍志

王韶之崇安記十卷 唐書藝文志

邱淵之集六卷晉義熙以來新集目錄三卷

同上

案通志藝文略淵之集作十五卷

邱靈鞠大駕南封記江左文章序錄起大興迄元熙

南史本傳

邱遲集十卷集鈔四十卷

唐書藝文志

邱仲孚南宮故事尚書具事雜儀

南史本傳

皇典五卷邱仲孚

通志藝文略

太史叔明孝經發題四卷

唐書藝文志

孝經義一卷太史叔明撰

前書經籍志

論語集解十卷太史叔明撰

七錄

沈嶠文集十卷

咸化湖州府志

邱光庭康教論一卷

唐書藝文志

邱光庭規書一卷又兼明書十二卷海州錄一卷海潮記一卷

同姓名錄一卷

宋史藝文志

謝錄衛正叔云光庭兼明書採摭  
經史訓釋之不同復以經典證之

宋史宋史明書入禮部作四卷  
人入雜家作十二卷必有一誤

邱光庭集三卷 通志藝文略

邱光業詩一卷 同上

吳興志光業號夷村  
烏程人光庭弟

梁耿集 同上

宋璩吳興人物志十卷字勝之烏程人大中時 唐書藝文志

張氏十詠圖一卷 齊東野語張子野圖其父維平生詩十首其一  
太守馬太卿會六老于南園其二庭鶴其三玉

蝴蝶花其四孤枕其五宿清江小舍其六歸燕其七間砧其八  
宿後陳庄其九送丁遜秀才赴舉其十貧女孫華老序之直齋

陳振孫跋云南園宴集實慶歷丙戌後十八年子野為十詠圖  
當治平甲辰又八年孫華老太守為守官熙寧壬子又一十七

十七年淳熙己酉圖為好古君子所得予方輯吳興人物志見  
而詳錄之且賦詩云平生聞說張三彩十詠誰知有乃翁建世

昇平百年久與詩書艾一家同名賢叙述文章好勝  
事流傳給素工遐想盛時生恨晚恍如身在商周中

張子野安六集 同上

張子野詞一卷

文獻通考

賈收懷蘇集一編

成化湖州府志

俞汝尚谿堂集四卷

宋史藝文志

陳舜俞應制策論一卷都官集三十卷

同上

陳舜俞廬山記五卷

書錄解題

朱臨春秋記一卷春秋外傳十卷

宋史藝文志

朱服集十三卷國子監支費令式一卷校定六韜六卷校定孫子

三卷校定司馬法三卷校定吳子二卷校定三略三卷

同上

葉夢得書傳二十卷春秋讞三十卷春秋考三十卷春秋傳二十

卷春秋指要總例二卷論語釋言十卷

同上

書錄解題其序數日以春秋爲用法。君而已。聽之有不盡其辭則或民有不盡其法則或君嘆趙而三家之爲辨矣。劉氏廣明趙之遠爲極。合二書正其差。誤。其所以目之曰。其序考曰。君子不難于攻人之失而難于正己之失。自其失之知吾之所正爲不安也。而後可以觀吾考自其考推之。之所擇爲不誣也。而後可以觀吾傳其序傳曰。左氏傳事不傳。

義是以詳于史而事未必實以其不知經也公較傳義不傳其  
是以詳于義而義未必實以其不知史也乃酌三家求史與經  
不得于事則考于義不得于義則考于事更相發明以作傳其  
書考純精詳爾爾留記送石林為春秋傳  
傳訂經事實曰考括舉三傳曰諒經排元  
例曰例經義考夢得孫筠守廷平重之

案陳氏解題石林春秋傳考  
共七十二卷宋史卷數不合

葉夢得禮記解

經義考

（夢得）衛正叔云葉少蘊解曲禮十  
九篇仲子漢通經時有論說

葉夢得孟子通義

成化湖州府志

石林燕語十卷宣和五年作避暑錄話二卷紹興五年作岩下  
放言一卷休致後作玉礪雜書十卷所記亦當在宣和時石林  
總集一百卷年譜一卷詩話二卷詞一卷奏議十五卷老子解  
二卷家訓一卷過庭錄二十七卷中子模編輯

書錄解題

案石林建康集及密是集陳氏云已  
入總集又志概集十卷當已入奏議

葉夢得雜揚過江錄一卷

文獻通考

葉石林金石類考五十卷 雲谷雜記

盛允升樂書九域圖志 嘉泰吳興志

張有復古編三卷政和甲午祭禮器款識一卷 宋史藝文志

政和集復古編成于大觀政和間陳了翁程北山為前後序并  
始續集張有論六書曰象形者文之純聲于此指事者文之加  
茲于此會意者文之純廣于此諧聲者文之加絀于此假借者  
因其聲借其義轉注者轉其聲性其義文字之變化無窮矣  
蓋論書志有自幼得小篆年六十歲此書三千言據古說文以  
為正其點畫之微轉側縱橫高下曲直毫釐有差則形聲頓異  
自陽冰釋後名人格以古文  
往往而失其精且博如此

朱肱南陽活人書二十卷傷寒百問三卷 宋史藝文志

朱肱內外二景圖三卷 肱自敘求起宋政和六年朱肱更嘉祐  
甲子丁德川肱左右手足并榮俞經合原

及右藏州直任有二脉十二經流注楊介盡心所所胆  
脾胃之系屬大小腸膀胱之營強較其說外補以針法

朱肱酒經三卷 肱自敘宋史藝文志載肱求子酒經一卷又大隱  
自敘酒經一卷注云不知姓名蓋無求大隱皆肱

也

朱無惑集十二卷萍洲可談三卷 宋史藝文志

書錄解題朱或中書舍人張子宜和元年序序

芮燭易傳一卷詩四卷奏議二卷表啓書引論策記序雜著長短

句共七卷平園續集公博題諸經方長子見其之象曰習子其

業則則在險不失其常險至方習亦復何及故初爻曰習坎他

爻曰坎而已其論雖卦九三曰日中必昃人生必死當如曾參

之際蓋則感感則凶矣

沈清臣晦岩集十二卷書錄解題

胡仔茗溪漁隱叢話六十卷後集四十卷文獻通考

沈平東皐遺藁又烏青記四卷烏青志

張安國師友淵源錄一卷咸化所州府志

張復亨集同上

程鄒柳軒退稿十卷黃文獻公集

倪淵易集說二十卷圖說序例各一卷同上



倪淵易卦說一篇 經義考

宇文公諒折桂集觀光集璽水集越中行稿玉堂漫稿以齋詩藁

元史本傳

陳潤祖東溪集二十卷陳康祖詩集 同上

陳繹曾法書本象 百子再太宗開三館命虞世南歐陽詢等撰前

撰翰林禁經至宋孝宣遺孫孝祥以書名孝祥孫仰之書名益振

先曾叔祖文林府君盡心力以事即之求二書不得竟以奇計

取之延祐中先人之官遺孫孝祥以書名孝祥孫仰之書名益振

者述書法要訣又述禁經提要筆所及雜體寫之曰法書本

象大要書體有十二一日古文二日小篆三日漢隸四日八分

十一日草書十二日飛白書法有十二一日執筆二日血三日

骨四日筋五日肉六日平七日直八日圓九日方十日偏旁十

二日變化

韋安居梅磻詩話三卷 讀書敏求記

壺嶽樵雲集 鳥青志

顏疏歸閒文集 同上

周密齊東野語二十卷癸辛雜識一卷癸辛新識四卷癸辛後識

四卷癸辛續識二卷澄懷錄二卷續登泉錄三卷浩然齋視聽

抄浩然齋意抄又浩然雅談弁山詩集五卷金陵黃氏書目

周密雲烟過眼錄一卷唐末叢書

周密蠟屐集一卷焦氏經籍志

草窗詞一卷一名蘋洲漁笛譜詞綜

周密絕妙好詞選七卷讀書敏求記

莊蒙詩稿竹枝詞集

魯琪琳詩集咸化湖州府志

丁敏詩集松林文獻字敏學烏程人詩文典麗元末徙居吳

嚴震直家範一卷流芳錄十一卷宏治族祖恩州司理續所編自

書片官時恩旨及碑銘記序等文而以南京工部志及朱文肅開國

加訂正續以列傳記分省人物考南京工部志及朱文肅開國

臣傳等篇他如吾學編等書凡載雲南通志文

君者概不載印旌忠祠碑記不免仍舊亦不錄

嚴震直造興集 明詩餘

陳援韋軒集 分省人物考

汪翁善含翠文集 崇正烏程縣志

吳煥怡菴集 烏青文獻

壺敏竹松集二卷吳楚資糧二卷 同上

陳秉中友檜集三十卷 源錄

閔珪莊懿公集二十卷 同上

莊懿公年譜御史陸崑著 同上

案明史藝文志作閔珪文集十卷疑誤又珪曾輯廣西通志

吳瓊桂西藥 同上

沈溥雪川淵源錄蘋洲集 崇正烏程縣志

沈熾易衍義 同上

王繼幼科類萃二十八卷 明史藥

凌雲集十卷

分省人物考

王濟白鐵山人詩集水南詞和花蕊夫人宮詞君之堂日蘭手鏡

兩浙名賢錄

王濟二溪編

湖錄

潘佐正堂集

湖錄

閔如霖午堂先生集十六卷

同上

張永明集六卷

同上

張莊僖公家訓警俗編

同上

沈應龍恤刑錄山東奏議平番議又安南議又撫黎議

分省人物考

凌約言椒沔集鳳笙館簡抄

湖錄

趙金浮休集醫學經略廣嗣全書

南寧志

董份沁園集三十七卷

明史藝文志

黃止存著樓集文獻雜志

同上

李璞伯白樓稿深衣古考歷代帝王圖考勾股算術崇正烏程縣志

陸宏祥史詮一統志纂百家纂注同上

潘仲騷潘太史藏稿百尺樓詩康熙烏程縣志

潘季馴宸斷大工錄十卷河防一覽十四卷奏疏二十卷文集五

卷明史藝文志

季馴自序馴開總河之任殫心力者二十七年萬歷庚辰河工告成以奏議及諸公贈言編成書曰宸斷大工錄然其事止于

江北而直省事體未備復加增刪乘輿成編曰河防一覽

案尤氏藝文志有泊河全書當卽宸斷大工錄也又其集曰禹改堂集

潘印川年譜四卷湖錄

潘大復河防權十二卷明史藝文志

湖錄河防權卽一覽中刪去節

潘大復放生名位幽贊錄崇正烏程縣志

潘大復毘山堂藏草同上

凌迪知歷代帝王姓系統譜六卷姓氏博考十四卷萬姓統譜百

四寸文林綺繡五十九卷國朝名世文苑四十六卷明史藝文志

河嶺本五十九卷史誤作七十今改正又有左

凌迪知增定荆川史纂十四卷尤氏藝文志

凌迪知大學衍義補英華十八卷學海清瀾湖錄

凌以棟五車甫瑞一百六十卷名公翰藻五十二卷明史藝文志

史記評林一百三十卷凌稚隆輯尤氏藝文志

漢書百家評林一百卷凌稚隆輯澹生堂書目

凌稚隆左傳評注測義崇正烏程縣志

錢鎮籌邊國制國計等論一卷通史經正錄學術書內外篇稿全

堂集十卷湖錄

沈利觀頤集二十卷崇正烏程縣志

沈節甫紀錄彙編二百六十卷明史藝文志

沈節甫代庖公案八卷

分省人物考

沈節甫琬琰廣錄又西吳琬琰錄

黃氏書目

沈節甫太樸主人集十五卷

湖錄

王良樞詩牌譜

湖錄字俱郭烏程人嘉靖中以監生選京東布政司問歷兩考調職合歸

范應期全拙堂集

同上

陳行健奏疏一卷文集一卷

同上

凌潤初歎逝錄一卷

湖錄字元甫烏程人隆慶庚午年二十卒

唐守禮減齋詩三卷歸田詩

同上

錢棠傳芳集

崇正烏程縣志

仰欽五經注疏

同上

姚舜收易經疑問十二卷尚書疑問十二卷詩經疑問十二卷禮

記疑問十二卷春秋疑問十二卷四書疑問十二卷性理指歸

二十八卷

明史藝文志

姚舜牧左氏詳略大詁注釋國策鈔釋史綱要領三十六卷

著集 警俗編家訓 湖錄

王豫得 編四書翼易翼浮槎集 崇正烏程縣志

王豫學庸識大錄二卷 經義考

王豫孟子尊周辨西湖游覽全志十二卷 湖錄

沈之峯武平政略十二卷 同上

張斗致覺堂集 崇正烏程縣志

朱大復甲集五十卷乙集二十八卷 列朝詩集小傳

張天德讀易說 經義考

張天德論學語錄三秦奏議一卷八閩彈章一卷 湖錄

董道醇黃門集一卷 浙江通志

董嗣成青棠集八卷光祿遺編二卷 黃氏書目

沈淙湖陽治譜 易陽縣志



張汝謙讀易記

初錄字大若永父天德為之

張兆元河防圖議一卷海防圖議一卷淮陰實記一卷上谷政警

水田議畿南水利議鄉保海編權息圖草

調集河防圖議兆元官河防府通判駐楊

村管河而以條上當事者也海防圖議兆元官永平時所作上之當事者允行

蔡善繼泉南勦撫錄澳門十議空有齋草四卷去去齋草二卷好

生錄二卷

同上

沈淮南宮署牘四卷忠志堂全集六十卷

同上

案傳是樓書目作沈文定公集二十卷

沈演止止齋選集十卷

謝遠傳是樓書目有長隱初稿二十五卷山草十卷黃氏書目有何山集六十四卷

九氏藝文志有沈演集十卷皆未經選定者也

潘士達論語外傳古文世編

崇正烏程縣志

王震左傳參同四十三卷

經義考別有凡例列國世系考國號考異年表世次國名統緒一斷名號考異

事紀諸書目姓氏附見前後綱總攸字子長號荆庭會事紀諸書目姓氏附見前後綱總攸字子長號荆庭會

閔夢得漳州府志三十八卷解頤內編外編雜編

同上

又宦牒辜功十二卷

閔洪學撫真奏草

同上

唐世濟西臺奏草荒政紀事瓊廉集

烏青文獻

陳允升燃藜閣遺稿

明詩綜

張杞春秋統一四書統一

崇正烏程縣志

王德坤清暑集

湖錄

韓求仲疏草一卷

潘生堂書目

潘曾紘春秋權

黃氏書目

潘曾紘芳蓀館遺稿

明詩綜

潘曾紱宋外史志撫黔疏稿

湖錄

潘曾緝權書止觀

黃氏書目

潘士遴尙書華箴五十八卷

同上

潘士遴奏議

湖錄

吳振纓顛石齋詩集

明詩綜

王思宗樂章圖說

樂正烏程縣志卷字經源高歷中貢生和平知縣左遷黃州教授素好樂律得元聲元氣之本乃

撰樂九章演為圖說以上諸報聞

王材四書正脈

同上

王汝源太極通書二述正學事親範圍三篇

同上

陳王猷詩經說彙

南游志

丁永鑑為山閣詩

明詩綜

湖錄永鑑烏程蜀山人天啓辛酉年于鄉詩自壬戌至丙寅數年作

范東生集四十卷

列朝詩集小傳

靜志居詩題東生詩才嫺雅如畫畢結佩可以辟塵方之孟陽允兆諸君覽尤西坂

溫應聘蜀游小草

崇正烏程縣志

凌忠介公遺集六卷使岷詩諫垣奏議

黃氏書目

湘烟錄十六卷閔元京凌義渠撰

同上

閔元衢羅江東外紀

沈氏藝文志

閔元衢歐餘漫錄十二卷增定玉壺冰二卷補一卷

黃氏書目

閔元衢會典士民便覽十二卷梅聽錄董正字啓注一卷類次

書肆說鈴二卷一草堂咫園吟詠五燈會元佛祖禪宗本支世

系圖

湖錄

董斯張廣博物志五十卷吳興藝文補七十卷

明史藝文志

大景集十四卷

黃氏書目

靈薈一卷古賦一卷增定唐詩品彙三十卷文苑英華鈔四十

卷

浙江通志

與閔元衡撰吳興備志白法志

宋正烏程縣志

靜嘯齋存草十二卷

湖錄

又遺文四卷

周書克殷度邑解二卷

經義考

閔齊華文選滄注三十卷

黃氏書目

潘振古今孝史雪堂塵談閔世名言雅言十則筆記夢言問心十

伯敵帚詩三十卷

康熙烏程縣志

潘振漢隸韻要鼎元佳語愛日簾詩選

湖錄

陳光述秣陵遊稿三吳正韻宋元詩選

同上

潘湛畫山樓詩集

康熙烏程縣志

韋編經絡箋注

同上

陳忱雁宕詩集

明詩歸字選心  
陳雁宕烏程人

唐世瀚榜閣集

唐氏詩字二水號余之烏程人為諸生性愛書  
因有司夢夢不得志構草堂數楹日徜徉

益精詩律選例即  
詠積千餘篇云

陳肇英膏治堂集韻府披覽南樞奏議

湖錄

徐守綱易象吉占尚書會趣存經集注音韻啓鎗章史聖矩考

學達述言尋樂類集啓聯類編閒情十錦

同上

閔象鼎易經疑義春秋折爻聞見欽自鳴集

謝慈字用新烏程人

朱永承爲人要則

謝慈字穀如烏程人崇正中著此稱五岳道人

唐元竑易通二卷

經義考

溫璜貞石堂集

明詩綜

溫璜易解一卷貞石堂母訓

湖錄

潘衡倬說文長箋考鹽鐵論

同上

沈菽七音韻準一卷音韻考異

同上

凌濛初聖門傳詩嫡家十六卷言詩翼傳詩述四卷詩經人物考

左傳合編史漢異同補評三十二卷後漢書彙評刪定宋史補

遊羸廐三割蕩柳後錄已編姦誕燕筑福南音三額

同上

朱慎初藏記太冲文集約言

崇正烏程縣志

韓繹祖詠性堂遺稿

湖錄

韓千秋湖州府均役全書還藁五言

康熙烏程縣志

韓千秋禮記篇次四十九卷中庸管窺

湖錄

韓昌箕王謝世家三卷太原正派四卷支派二卷瑯琊十四卷別

派二卷陽夏八卷歷代史衡

同上

韓會駒悟雪齋詩集

同上

嚴啓隆巖幹子澹軒集

明詩餘

春秋傳注三十卷嚴啓隆著

浙江通志

唐鍾英元覽齋詩集

湖錄字九級烏程明末諸生

范風仁梅隱集

同上

朱心四書衍注

同上

陳騶檀廬詩稿一卷四書圖要莊老叅同同上

溫晉南疆逸史四十卷吾徵錄均役全書游西山吟同上

溫良大愚詩集同上

董說易法八卷河圖卦版一卷經義考

河圖子無述云以先天圖之未全而明出震以納甲圖之非古而表卦律先天法日月之四現出震象南北之對時此天地之大義也陽律始于黃鐘率六律而順行于四陰呂始于林鐘率六呂而逆布于陰位以出震象為準易之無誤又進而考發雖于三百六十扶貞每于七十二卦作易發

董說詩律表一卷律目者與律數六書發藏差考天官翼甲

申野語昭陽夢史曉寒長語問道錄殘雪錄掃葉錄劉德子補述云先君以易夫子闕亡詩夫子序章又以三百五十五篇皆有諸唐時猶存詞雖一編後井失之今有一篇之中起調畢曲各有定位中問則有轉聲如轉車馬車上以準起調下以準畢曲也商角徵羽清濁通更準字無不備律說有二有候氣之管有和聲之管候氣有十二月之南長和聲有三分損益黃鐘司天而主升符長漸短轉司地而主降管短漸長又辨三鐘四府作律呂考樂府錄歌之法可徵以詩部位既分律呂可定按其高下以辨元聲如元聲中者堯羊飛凡有辭無義之字



即篇中三轉辭之單也 古之制字或  
一音轉數音或義義而求旁通單盡

董說周禮緯一卷七國考史記脈運氣定論分野發一卷文苑  
英華詩略蘭葉筆存一卷豈草菴詩集十一卷文集三卷前集  
三卷別集六卷寶雲詩集七卷甲編二卷乙存三卷散隨續稿  
一卷檠堂題跋一卷西麓別存一卷西荒別編一卷小品一卷  
癸亥雜文一卷秋雪堂稿一卷集雜文一卷乙丑雜文一卷  
寶雲雜著一卷石室雜草一卷 浙江通志

董漢策周易太康一百卷春秋傳集十二卷四書全解四十卷歷  
朝古文編十七卷祿父雜著一卷蓮漪集一卷笠翁內篇一卷  
二集一卷從好編一卷華勝集六卷芝筠詩一卷規園雜詠一  
卷渭雲堂詩一卷四載詩存一卷自在吟一卷蓮閣詩草一卷  
鷗盟集一卷時通編一卷吟諾一卷九宜集二卷藍珍詞一卷  
淡門軼句一卷 同上

集

張子開逸山集

善餘堂家乘

陳子英迂官錄見開偶記念齋詩草明紀振奇天山掌集

附錄

韓純玉遠廬詩

同上

潘儼思莘田詩集

同上

潘章雪橋草

同上

潘美發合萬壽詩存四卷

同上

夏駟交山平冠本末三卷爛溪詩集

同上

閔聲雪簑詩稿一卷

同上

閔亥生東阜詩集

同上

閔南仲詩稿

同上

張子无櫻園詩稿張氏家訓

碑碣雜刻 附

烏程縣新陞望記唐縣尉陳其撰顏次公分書大曆十三年八月

二十三日 復齋碑錄

烏程縣修建廨署碑唐布衣楊襲撰並正書南嶽道士張口賢篆

額 同上

烏程令韋公德政碑唐沈務本撰沈仲員正書至德二年二月立

金石

咸化湖州府志  
在烏程縣治

烏程縣尉功倉廳壁記碑

嘉泰吳興志烏程尉廳在縣治東唐時本尉功倉屬今廳有文  
林郎尉陸求修功倉廳碑記云縣有三尉分制六司是屬所左  
日功日倉國朝主簿陸東書其後言功倉屬當時尉署之一也  
唐至武德元年改書乾日縣尉署收日正七年正復日尉所謂  
六司者功倉之外  
有戶兵法士也

烏程縣尹馮侯均賦役碑元張世昌撰 乾隆湖州府志

烏程縣學尊經閣碑元宇文公諒撰

同上

烏程縣新建儒學記程邵撰

吳興掌故集

迎禧門碑記元饒介撰今嵌于城闕

重修南潯城碑元至正二十一年歲辛丑七月既望前徽州路儒學口口撰前南潯鎮儒學教諭楊天順書湖州路安定書院奉

祀胡理篆額

同上

儀鳳橋記宋天聖三年鄭戢撰

吳興掌故集

新復青塘堤岸碑記程邵撰

嘉靖湖州府志

修東亭記唐楊夔撰

吳興掌故集

西亭碑記顏魯公撰

同上

浮玉亭記宋天聖四年鄭戢撰安吉尹希古書

成化湖州府志

西余山弄雪亭碑在大覺寺宋胡宿記

同上

何氏書堂碑在何山宋江藻記

同上

芝亭碑記左朝請大夫陳湯求撰爲其祖賢良都官公紀墓前達

芝之瑞也

嘉泰吳興志

仰高亭碑記宋富光祖撰

乾隆湖州府志

祈年碑在道場山伏虎巖之左元達魯花赤爲民祈穀碑以記之

高丈餘屹立風雨中盡爲剝蝕篆紋已不可摩類古沒字碑

崇正

烏程縣志

弁山楚王神廟碑梁簡文帝撰

吳興掌故集

項王廟碑宋雍熙四年九月一日宣奉郎守太子中允通判張懌

撰

崇正烏程縣志

顏氏殘碑顏真卿書并項王碑陰記附大歷七年刻

興地紀勝

弁山龍王廟碑朱臨記

吳興掌故集

吳文皇帝廟碑胡季良撰凌雲書唐太和八年立

復齋碑錄

烏鎮古山索靖廟碑唐朱洪撰并書吳煬篆額咸通十三年歲在

壬辰四月立

前漢張炎自云索靖王廟在古山乘慶王廟在青鎮索靖王廟在青鎮村相傳皆孫權子位而居此古山朱洪碑記有云吳王被索靖大帝體前諸子皆嗣父而立城陽拂衣別業于吳興居焉有知索伯三讓之德按吳書大帝七子名字昭然吳王號索靖者不知洪何所據且其時未聞有所謂號也洪勿深考耳禮記祭法伊耆氏始為蜡蜡也者索也周禮掌正于十二月國索鬼神而祭祀之然則青鎮古山前漢之村農里老建廟立祠而均以索名神者亦謂伊耆氏之義後世必欲求其人以實之則鑿矣又謂為世系名數以附合之更鑿矣又按烏程縣志廟祀志載李衛公海在古山衛公名靖嘗擒輔公祏有功邑人德之春秋致祭有唐吳道石碑在廟中今廢村鄉志載古山村二寺三區然則邑志之古山即鎮志之古山村也鎮志古山村土地名索靖而縣志有靖廟則靖為神之名而索為祭之名益明矣

浪跡先生元真子碑顏真卿撰

吳興掌故集

顏魯公祠碑宋嘉祐七年知州事張田撰

成化湖州府志

顏魯公碑陰記米芾撰并書

元贖記

程舍人懷忠辭在魯公堂

成化湖州府志

湖陸魯公祠堂賜額懷忠北山程俱嘗作楚辭三章并序刻石廡下其序略云予遊吳興與并祠下肅然想其餘烈焉為文以

之名曰懷忠後王炎知湖州以其辭未盡  
事實又續一章亦曰懷忠辭并刻祠前

王十朋魯公堂懷忠堂放生池三詩刻石放生池上成化湖州府志

趙直閣祠堂記在魯公堂乾道中仲并撰同上

東坡先生祠堂記在魯公堂宋淳熙八年蕭德藻撰同上

（晉）紀萬歷二十年予遊黃龍洞于觀內草莽中得礎石篆額有東坡蘇公祠堂碑記八字豈淳熙八年蕭德藻所撰碑文則幾謬矣

葛仙翁祠堂碑宋吏部侍郎葛立方撰在青山普照觀同上

湖州路總管郝侯祠碑元牟應龍撰乾隆湖州府志

漢三費碑一紀梁相費汎其二紀汎之子鳳因以名鄉崇正烏程縣志

晉中大夫劉造墓志

（成化）湖州府志西余山寺僧道致預作書穴乃得古墓志刻云晉咸康間中大夫劉造妻曹氏

晉太學博士周闕墓碑

（若）下放意法華山發古塚得一碑刻曰晉升平四年三月四日太學博士陳闕郡雍邱縣都鄉周闕字道舒妻若晉潯陽太守





姚華妻蔣夫人墓志唐大中十四年九月同上

李府君墓志唐咸通十四年五月同上

太常博士致仕胡君墓志宋蔡襄撰嘉泰吳興志

常照寺斷碑

（舊紀）青山常照寺碑刻甚多僧梵陸至叶師徒並受知高季二  
宗嘗有御書白金之賜又修建陽田并諸冠蓋游覽吟詠皆刻  
之石近皆斷什荒草殘蝕不全唯高宗所書天申金剛無量壽  
字碑并勒書一碑完存而崖上索窮於屋中不敢亂步一小  
碑可看上有詩云道人唯恐不山深莫問人問昔與今元全  
閣了無事夜深只聽古松吟其後云石少保相公見諸碑山作  
弟師岳師湖姪翁閔弟燈從行師岳書行書方二寸許碑高不  
俗下又一小碑亦行書而小半之前後皆磨滅其後不能辨看  
唯中間方外之士相與周旋焉若謝安石之有許遠王述少之  
有友適問謂羽之有慈達謝康樂之有慧琳羣其所以取之者  
云云僅可見又西北小碑在天申御書之石上刻字數行云太  
上皇帝聖旨御書佛語一件令賜叶山主八月初十日恭承太  
上皇帝銀一百兩賜叶山主守等回奏呈詔其建寺記一通  
乃宋何澹撰又御書昭回閣一題倪思撰二文俱可觀得之別  
見其碑竟無尋處

多寶寺題名

弁山志多寶寺有宋朱氏題名石刻云達原久中同遊照寧乙卯年夏初四日題宇跡微顛後有跋云先君居士雷題多寶院政和四年五月初二日微顛男朱崇謹題鐫刻甚工所錄研北雜志吳興朱文中尚奇每微古物立怪石以結流俗處于下山之下山多巖谷乃批削榛求其壯麗者刻作前人題名杜名年月皆詭異不可考按下山志所云久中者豈其人歟

採菱渡石刻

吳興藝文補

蓮尊聯句詩山上向有碑

峴山志

孟公石刻

吳興傳志錢簡樓桐薪繪園二種俱云白雀寺中有李公垂石長可二尺餘頗具孤峯一片之勢仄之可用為枕其上刻字三行長慶甲辰二月辛巳紫英孟郊來訪竟陵陸荀翁曾觀凡二十有一字埋沒草莽今歸飲雪此出張稚通待石置諸齋頭旗以長慶後贈伯穀伯穀因作孟公石賦然考昌黎志東野卒在憲宗元和甲午追穆宗長慶甲辰越十年矣况竟陵人來寓者乃肅代陸羽手與公垂不相及也馮開之沈純父俱有快雪堂

玲瓏山題名

前湖州刺史杜牧大中五年八月八日來宋紹興口葛魯卿林彥振劉無言真彥平葉少蘊題名

回文綬帶連環詩在法華寺吳越湖州宣德軍節度使錢信作

九十首

咸化湖州府志

蘇軾遊法華山詩

蘇軾文忠公嘉靖八年土中掘出一碑乃東坡所刻老與胡刻  
部遊法華山詩也末云宋序語要仰上元曰佳詩猶如檢立石

寺中

米芾書

水石相搏風竹相吞爐烟方裏  
草木自欣在白雀寺禪堂壁間

孔耳石刻

弁山志予見異石于丁氏曰孔耳石高可四尺形如人耳色黑  
而水紋甚細鐫曰致虛無言夢得道人宣和癸卯歲江同來蓋

葉石林  
故物也

林靈素墨竹湖州玄妙觀有石刻

國繪寶鑑

碧欄二字子昂書刻石湖州公館

石刻辨目

絳閣二帖

法帖諸系舊傳身軀似氏以絳閣二帖假木家塾或遇良工模  
拓亦有可觀後板轉售市人家每連紙一幅可打一段予在  
山見一本于周氏後數年板內將有直裂紋比到管上獲一本  
于向氏叔堅之商偶候兩卷且以元祐間所拓戲魚快足之此  
就字畫差肥而無有筆意頗勝諸快惜其間錯誤數字為可恨  
耳趙宰叔愚云丙戌歲在宗庠有法帖板賣于齋舍人者偶不

記為何人疑是此板亦未可知胡應野客叢書載烏戌張仲思家多前人墨蹟有黃魯直親染題李伯時畫王花曉詩始知有絳關二帖之家與又云烏鎮本乃板本非石也長沙折府所藏二十卷無刻頗精疑是此本第九卷復面帖字誤而為羣帖止是漸損字畫倘完此尚異于新絳

乞承帖

成化湖州府志承聘翁有乞承帖云歌觀造化之理今藏湖道場山

瑞阜帖

成化湖州府志瑞承自趙蘭陵與趙常萃其家法書刻為此帖其別業在蘇灣後有石洞名瑞阜故以名之

蘭亭并松雪十三跋

清容居士集定武蘭帖損本多有以信父篆印趙孟頫家本得于管溪陳侍郎孫振孫直齋書錄解家藏自記十三跋蘭亭乃四明茅紹之刻石藏松陵崔氏後歸申景武今入雪堂為河陽世寶

烏程縣志卷之十五

藝文

明潯溪董遐周輯吳興藝文補觀徐長谷題稱該洽然猶以泛濫爲嫌余不敏竟難補苴竊竊董氏所未及者既條分部居繁事以見此外卽無所附而事逸于常篇名標於往牒或傳誦在人或風旨可采次之別秩無使其有遺云  
志藝文第二十九

以孫策襲封烏程侯詔

漢獻帝

董卓逆亂凶國害民先將軍堅念在平討雅意未遂厥算著聞策遵善道求福不回今以策爲騎都尉襲爵烏程侯領會稽太守

分吳丹陽爲吳興郡治烏程詔

吳孫皓

古者分土建國所以褒賞賢能廣樹藩屏秦毀五等爲三十六郡

漢室初興閭立乃至百王因事制宜蓋無管數也今吳郡陽羨永安餘杭臨水及丹陽故鄣安吉原鄉於潛諸縣地勢水流之便悉注烏程既宜立郡以鎮山越且以藩衛明陵奉承大祭不亦可乎其亟分此九縣爲吳興郡治烏程

三國志注

襲封烏程侯謝表

孫策

臣以固陋孤持邊陲陛下廣播高澤不遺細節以臣襲爵兼典名郡仰榮寵顧所不克堪興平二年十二月二十日於吳郡曲阿得袁術所呈表以臣行殄寇將軍至被詔書乃知詐擅雖販捐廢猶用悚悸臣年十七喪失所怙懼有不任堂構之節以奉析薪之戒誠無去病十八建功世祖列將弱冠佐命臣初領兵年未弱冠雖鷙懦不武然思竭微命惟術狂惑爲惡深重臣恐威靈奉辭伐罪庶必獻捷以報所授

吳錄

舉潘綜吳達孝廉教

王韶之

敬符孝廉之選必審其人雖四科難該方質其情必能孝義  
俗拔萃著聞者便足以顯應明敷允將符旨烏程潘綜守死孝道  
全親濟難烏程吳建義行純至列墳成行咸精誠內淳休聲外著  
可並察孝廉

宋書孝義傳

### 檄告西楚霸王文

狄仁傑

垂拱四年安撫大使狄仁傑告湖州西楚霸王項君將校等其  
略曰鴻名不可以謬假神器不可以力爭應天者膺樂推之名背  
時者非見幾之主自祖龍御宇橫噬諸侯任趙高以當軸棄蒙恬  
而齒劍沙邱作禍於前望夷覆滅於後七廟墮圯萬姓屠原烏思  
歸於飛塵魚豈安於沸水赫矣皇漢受命元穹膺赤帝之貞符當  
四靈之欽運俯張地紐彰鳳紀之祥仰緝天綱鬱龍興之兆而君  
潛游澤國嘯聚水鄉矜扛鼎之雄逞拔山之力莫測天符所會不  
知歷數有歸遂齋關中之翼竟垂垓下之刼蓋實繇於人事焉有

屬於天亡雖驅百萬之兵終棄八千之子以爲殷鑒豈不惜哉固  
當匿兒東峯收覓北極豈合虛承廟食廣費牲牢仁傑受命方隅  
循革攸寄今遣焚燎祠宇削平臺室使黠幘銷燼羽帳隨烟君宜  
速遷勿爲人忠檄到如律令

唐文粹

漢故梁相費府君碑

費 珣

梁相諱汎字仲慮此邦之人也其先季文爲魯大夫有功封費因  
妖爲姓秦王兵起避匿於此遂畱家焉世業稼穡好學禮樂大漢  
之興官司相繼絕而復續至梁府君以孝友至行聞于鄉邑仕更  
郡右憲郭質直在公履法察孝廉除郎中屯騎司馬遷龍令賦民  
如子先教後罰玄默之化奉以忠信守以敦篤在位九年百姓移  
風背惡不作姦寇不發變爭路銷推讓道生三年不斷獄正祚威  
應時沛有蝗獨不入界由此顯名國以狀聞朝廷嘉許拜梁相宣  
惠口不飾自正當發台階延究得耆被病遜位春秋八十卒



秦口鳳由宰府至堂邑令政九江太守適孫均感奚斯之義刊  
銘元石旌勒厥美俾觀覽焉其辭曰穆穆顯祖厥德麟鑠播助於  
前不顧基業遺愛於民福流後胤庶口昌口在堂口室功烈休矣  
末昆勗力金石錄

漢堂邑令費君之碑

上光

惟嘉平六年歲洛兮大荒無射之月堂邑令費君彰疾卒嗚呼哀  
哉於是夫人元弟故口口口守卜允追而誄之其辭曰君體履柔  
蘇溫其如玉修孝友平闇閭執忠憲於王室立述州郡仕更右職  
舉直錯枉疆衛口貸貢孝三署助舉有則山宰近甸民懷厥德色  
斯輕翔翻然而紫王人述職分口班爵台口口招煦鼎調物還已  
進弟不營榮祿栖遲履稔項領滯裔郡士不庭黔民作卣命君口  
口政化口行從善還惡三朞致道有恥且格牧守旌功轉在堂邑  
垂拱不言而民帥伏三時之間卒以口治晏天不用命也早歿春

秋六十六黎僊輝傷泣涕連流豈愛我躬命不可贖臨終述□□  
□內發祖業良田畝壹一金推予弟息辭位讓財行義尚邵卓不  
可及名實相副有始有卒□□人善愷弓切惻故吏故部施業  
字世堅義民堂邑侯忠忠年十有一慈考早殞喪以備於禮制蓬  
首而□□□壞而消僻地□□□行母氏以□□□□而悼傷服  
□非五五縗杖其未餘廣陵之郡守東海□□聞寢疾而終卒凡  
百普悲□□□□化此屋之餘慶隨□棺柩車哀以而送之祖  
載已畢訖還返其故鄉君□其節操悲其有□□每以□□□□  
□其在親忠□君厚德念君之仁恩聞君之隕隧剝斷而圭酸復  
載縗麻杖□君之柩相扶號而竭□泣涕其□□□□□□□□  
甫於岐山□□其從之迷君而到官上書而慶君盡禽息之□□  
□君之□□□君□三□□□□□□□於山□列殯嘉奇樹特  
爲之潤鮮忠業與□□猶君恩使然雖君有大化孰能爾哉難子

之終口口思其顏而口死可贖不愛口口口人今君口於彼  
請而趨倫吏民慕高蹤來者其如雨俱名建縣石垂示於口口  
門下功曹徐侃字元節主簿呂嘉字元口主史陳信字聖舉主記  
史口忠字建臺門下游微口口字叔騰門下賊曹口口字聖臺門  
下史曹煦字仲臺口吏呂常字孝讓從掾位徐超字元貴同上

堂邑令別碑

石 勛

君甥家中孫甘陵石勛字子才載馳載驅來奔亏喪庭肝確意悲  
感切傷心贈彼碑誄懷之好音司馬慕蘭相南容復白圭仰之以  
彌高鑽之而彌堅不堪哀且思叙詩之一篇庶幾昔子夏起夫子  
之所言其辭曰君諱鳳字伯簫梁相之元子九江太守之長兄也  
世德襲爵銀契相亞輟遐祖之鴻軌拓前代之休蹤邈逸越而難  
繼非羣愚之所頌仁義本於心慈孝著於性言不失其術行不越  
矩度清淑儼爾溫而不滓恤憂矜厄施而不記由近及遠靡不覆

載故能聞令名而雲騰揚盛聲而風布踐郡右職三貢獻計辟州  
式部忠以衛上漢安二年吳郡太守東海郭君以君有送地之節  
自公之操平州一舉孝廉拜郎中除陳國新平長神化風靡惠以  
流下辭而爲治匪煩匪擾乾乾日昃矜此黔首功成事就色斯高  
舉宰司委職位思賢以自輔元懋守謙器白駒以繕墜丹陽有戮  
寇沒□□□□命君討理之試守故鄣長蓋危亂有不讓又畏此  
之菲閭□□而□牧爰止其師旅如若飛鷹如若大城虎驅者  
綏以德弱者以仁撫簡在上帝心功訓而特紀轡輿宰堂邑昇月  
而致道視□□□□遂據方卿尹中表之恩情兄弟與甥甥相與  
女蘭性樂松之茂好聞君顯令名舉宗爲歡喜不吝奄忽終藏形  
而匿景耕夫釋耒耜桑婦投鉤昔道阻而且長望遠淚如雨焚馬  
循大路舉裳而涉洎悠悠歌黍離黃鳥集于楚悰悰之臨四送君  
於厚之嗟嗟悲且傷每食口不絕夫人爲舊好不以存亡改文乎

原消陽悽愴益以甚諸姑咸蹕踊爰及君伯姊孝孫字元宰生不  
識考妣追維厥祖恩蓬首斬緘杖世所不能爲流稱於鄉黨見吾  
若君存剝裂而不已登別會無期相去三千里絕翰永忼慨泣下  
不可止

同上

吳興下山楚王神廟碑

梁簡文帝

昔者武王詢於大公五神之禮正伊陟贊於巫咸三篇之義作抑  
又元矩司於坎宮漢興北時黃蚺感於通夢秦作西郊幽則鬼神  
其來已尙楚王宏茲釋典正獻車牛旣舍黃駒安事辟角掌紫無  
左滌之勞收人止福衡之務周房殷俎惟有元淵芳芝玉華瑤緤  
止陳丹桂清酌漸符不殺之教方行大士之心比夫黃樹赤光紫  
衣朱髮茂矣哉王制山川神祇有不舉者爲不敬太守元景仲稽  
諸古典於茲往烈永傳不朽式樹高碑翠石勒文事偕神掌靈龜  
負字還擬洛書

簡文帝集

烏程孝義寺碑

徐陵

臣聞道階八地猶見后妃願生千佛無非聖賢汲引之義雖同隨機之感非一至如潯汭有禮皇源所以前興周女斯歸陳宗所以流慶大矣哉神基帝系淑聖重光者也慈訓太后懿佐初九道暉上六居天上天中之極處太任太姒之尊蘋藻之化斯深葛覃之風漸遠皇帝膺茲上聖契彼援神愛敬在乎一人德教型乎四海是以明星皎皎流半月之光甘露團圓灑如飴之味嘉禾白秀浪井恒清天降正祥日開書府自大明紹運神武應期至道傍通無思不格戊巳校尉西園玉門伏波將軍南表銅柱方使三千世界百億須彌同望飛輪共稟元德元嘉三年正月二十一日詔旨仰惟聖德方彼兆民乃勅石司改東成里爲孝義里昔岱山徙號重華著其壽終德水移名秦人表其嘉迎豈若盡在輿地書茲里門仰述天經光臨父母臣陵稽首乃作銘曰願此良因宜資貴親三

並策四梵爲質紺殿安坐蓮花養神燈前禮佛地後邊身並濟

合識咸歸至真國家隆盛同享遐慶謹勒豐碑陳其舞詠

徐孝穆集

（吳興藝文苑校談志載孝義寺碑云高升蒼蒼遙聞天語清霄  
西河深窮地根又云八經之技依然又云弱東紺絳今此碑無

此數語蓋非全文

### 浪跡先生元真張志和碑

顏真卿

士有牢籠太虛機掖元造擺元氣而詞鋒首出軋無間而理窟肌  
分者其惟元真子乎元真子姓張氏本名龜齡東陽金華人父遊  
輒清具好道善南華衆因說十卷又著冲虛白馬非馬證八卷代  
莫知之母雷氏夢楓生腹上因而誕焉年十六遊太學以明經擢  
第獻策肅宗深蒙賞重令翰林待詔授左金吾衛錄事參軍仍改  
名志和字子同尋復貶南海尉經量移不願之任得還本貫既而  
親喪無復宦情遂扁舟垂綸浮三江泛五湖自謂烟波釣徒著書  
十二卷凡三萬言號元真子遂以稱焉客或以其文論道縱橫謂

之造化鼓吹京兆韋誼爲作內解元真人述大易十五卷凡二百六十有五卦以有無爲宗觀者以爲碧虛金骨兄浦陽尉鶴齡亦有文學恐元真浪跡不還乃於會稽東郭買地結茅齋以居之閉竹門十年不出吏人嘗呼爲淘河夫執畚就役曾無忤色又欲以大布爲褐裴嫂徐氏聞之手爲織纈一製十年方暑不解所居草堂椽柱皮節皆存而無斤斧之跡文人效栢梁體作歌者十餘人浙東觀察使御史大夫陳公少游聞而謁之坐必終日因表其所居曰元真坊又以門巷湫隘出錢買地以立閭閻旌曰廻軒巷仍命評事劉太真爲序因賦栢梁之什文士詩以美之者十五人旣而門隔流水十年無僑陳公遂爲建造行者謂之大夫橋常以豹皮爲席噉皮爲麕隱素木几酌班螺杯鳴榔拏杖隨意取適垂釣去不再得魚肅宗嘗賜奴婢各一元真配爲夫妻夫曰漁童妻曰樵青人問其故荅曰漁童使捧釣收綸蒞中鼓枻樵青使蓺蘭



桂竹裏煎茶竟陵子陞羽校警郎裴修之曰有何人往來答曰  
太虛作室而共居夜月爲燈以同照與四海諸公未嘗離別有信  
往來性好畫山水皆因酒酣乘興擊鼓吹笛或閉目或背面飛墨  
應節而成大歷九年秋八月訊真卿于湖州前御史李粲以縑帳  
請焉俄揮灑橫佈須臾之間千變萬化蓬壺彷彿而隱見天水微  
茫而昭合觀者如堵轟然愕眙在坐六十餘人元真命各言爵里  
紀年名字第行于其下作兩句題目以蕉葉書之援翰立成潛背  
屬對舉席駭歎竟陵子因命畫工圖而次焉真卿以舴艋旣弊請  
命更之荅曰儻惠漁舟願以爲浮家泛宅沿派江湖之上往來蒼  
苔之間野夫之幸矣然立性孤峻不可得而親疏率誠澹然人莫  
窺其喜愠視軒裳如草芥屏嗜慾若泥沙希跡乎道丈夫同符平  
古作者莫可測也忽焉棄我思德滋深曷以寘懷寄諸他山之石  
銘曰邈元真超隱淪齊得喪甘賤貧泛湖海同光塵宅漁舟垂釣

綸輔明主若斯人豈烟波淪此身

顏魯公文集

項王碑陰述

顏真卿

西楚霸王當秦之末與叔梁避仇於吳中蓋今之湖州也雖滅秦而宰制天下其冤魄猶樂茲邦至今廟食不絕其神靈事迹具竟陵子陸羽所載固經大歷七年真卿蒙刺是州十二載奸臣伏法恩命追真卿上郡尅期首路竟陵是諗予以故碑顛趾嘗因仍草莽已而復之真卿乃命再加崇樹以記之時則仲夏方生明之日

上

墨詔持經大德神異碑銘

李紳

賢劫千佛生於後世法輪遞轉應現隨相或國王大臣宰官居士降生有地不以色相故如來言以色見我以音聲求我爲行邪道不以金色瑞相蓮花化生降胎示報以潛靈聖上人姓唐氏生於邑之安吉母楊氏奇孕而夢協靈祥在娠而不茹葷血旣生能言

不爲戲弄未乩之歲卽思佛乘發念法華三月通貫傳梵音於性  
崇精護念於神昇經聲一發而頑鄙革心晝夜持而七部圓滿音  
聲從容指顧閑雅難捷口利辨者皆隨慕念及登戒之歲僧儀首  
冠西游長安祥風達于函關瑞相通於帝夢上人以持經爲國詣  
闕請見肅宗皇帝召對禁中上拱而歎曰昔夢吳僧口念大乘五  
光隨發音容宛若協我嘉徵因賜名曰大光以瑞唐姓肅宗元年  
降誕之辰會齋於定國寺因賜上人墨詔許以天下名寺持意經  
者住持令內臣趙思送於千福寺持經道場經四七日而吳音清  
亮常逢聖聽上異其事令高力士以宣諭焉後居藍田精舍先期  
而寺僧夢天童來降稱曰大光經聲達於有頂師旣晏坐自見神  
手從天而降村光之心師乃憶先達抱玉大師常志師言令高士  
音當有神輔夕夢神僧乳見於心命光內飲自是功力顯暢神形  
不勞尋山探幽偶值窮谷龍泉莫測淪溺其間心靈了然無所惑

亂因以本經多寶塔爲誠願持十萬遍恍然山泉若有神捧絡後  
住資聖寺大師以慈親在吳未荅慈力表乞歸養恩未許還猶繫  
煩惱之念遂生無妄之疾策蹇強力將投於泉鹽伏不前羣鳥拂  
頂心旣時覺疾乃遂夢昔如來變集頂而定慧聖明大師羣鳥  
拂頂而煩惱解脫乃以寶軸加飾首戴法華於千福寺行道日夜  
候命有詔許翹還止烏程崇修寶塔日持法華偈以成往願焉永  
泰元年浙西廉察使韋元輔表大師爲六郡別駕道場將念之首  
大歷癸丑歲文忠公顏真卿領余先人主邑烏程余生未期歲乳  
病暴作不曉不墨者七辰師至命乳母洗滌焚香乃卽念法華至  
功德品遂起席而坐拱而開目師飲一杯水遂命乳哺疾乃隨愈  
大師視而笑曰汝何願返之蓮乎因以法師易余幼名貞元中余  
甫弱冠再遊嘗上舟泊之次大師好于溪側而笑戲拊如兒童焉  
余爲州將飲醉于館大師飲宿于道場夜分將醒白光滿室朗然

聖觀大師晏坐妙音方闢若開毫相音聲既息光亦隨斂於是  
午西遶辭大師於法筵撫余頂曰爾得徑山之旨我則無以爲論  
行矣自愛去爾有時空王教平等者護念大師于永貞元年十二  
月黑月既夕示滅於法華寺之經院歎號烏墜山木驚振異香飄  
馥三日不息是日告刺史顏防善曰去矣人世無牽夢泡大師照  
和暢達無入不得隨機見教經行無關維摩詰之儔也知機洞如  
藏往察來嘿而不顯晉寶公之倫也經過梵界瑞降天童靈相神  
光照融顯見異上人之徒也大哉明德慈悲護世通異相於王宮  
示法輪之寶重昏外識于黎庶懼色相之迷妄是以居若長橋動  
如浮雲隨鷗自親入獸不亂一衲四十歲無浣濯而居常香馥一  
飯七十載資禪悅而膚體溫然余遭大師而駐於世而不覩大師  
寂滅之日年逾耳順昏寄塵勞無法舸以濟河悲火宅之迷室乘  
門徒者追盡梵宮時予烏墜舊僚天官郎敬君守郡吳興寄言刊

石銘曰多寶如來聞經涌塔作尼闍教以宏正法受持三世以成  
賢劫或降忉利或生人天金相不顯真如嘿傳明燭繼融水月分  
圓示抱全德資於上賢體實戒珠心惟法鏡懷寶不迷含光不竟  
希夷要妙法凝清淨發論開蒙藏機匿聖瑞協皇夢功見天童聲  
宣梵界經達宸聰降臨神手捧溺龍官跡歷三昧心符六通金粟  
分身普賢馳象轉喻言辭光明顯相仁滋一雨功歸無量法性天  
高慈門海曠我昔嬰兒迷蒙疾病靡日沉嘿近年師住梵音耳聰  
神光目覩白馬先鑣迷津莫適鼓音已息慈雲不浮寶樹摧華祥  
泉涸流稠林喪斧苦海沉舟色相歸空洪身無際莫測來往誰分  
顯晦三表闡仁溪乎安緒

道場山北海禪師塔銘

釋居簡

淳熙初保福住持證公度弟子四曰真心圓明上字同曰悟在少  
城之東大聖慈寺一日四比丘屏息侍證曰各爾真與心爾無滯

不家蓋徧悉乎爾爾明則掌予藥石翌日歸白父母其母鮮  
氏賢謂曰自我歸爾楊氏家禱於白衣大士願得佳子俾學佛  
爾生喪明禱而復明爾其念哉乃乘包下三峽見松源岳松根慈  
扣無用全於天童分座於雙徑石橋開法於四明天王寺遍海  
衲子不稱心而稱北海居無何移湖之道場凡若干年振墜起廢  
一新土木某年月日示寂龕全身瘞寺西岡壽六十一度弟子若  
于大觀從余遊求余銘銘曰既生而眇母禱而療智厥常明發以  
內照遐杳間迴重昏而曉用晦藏晶扣元體要日漸月磨靡不炫  
耀嗟嗟末流冥視眚眚其蔽可撤其昧可弔鵲安早枝鷄止蓬蒿  
視九萬里控地沒料大方無外不直一笑幻緣盡矣一瞬而了  
無可了月湧寒嶠北嶺集

道場神山禪師塔銘

潘耒

稽昔兄弟出家同登覺岸者佛在時則有阿難律阿難三迦葉波

佛滅後則有無着天親惠遠惠持等殆如優曇鉢花曠世稀見今  
乃有天竺神山二禪師者以同產昆弟爲法門昆弟十由旬地對  
豎法幢斯則僧史所罕聞而爲出世間希有之盛事矣神山禪師  
諱本凝上海徐氏子兄弟四人次卽天竺神山其季也幼而喪父  
有出塵之志就湛下老宿難染詣宏覺山翁禪師乞戒因隨翁上  
天童尋還吳省母歷扣名宿精勤辨道吳江麻湖之東有疎谿草  
庵最僻靜師居之若干年兩兄在家者相繼沒師迎母奉養焉手  
製僧帽繫之以給朝夕人謂陳尊宿緣蒲鞋徐比丘縫布帽孝行  
高風古今一致山翁再住天童師仍趨侍恭萬法歸一工夫猛切  
一日登廁身心頓空又數日間雷有省作偈曰忽地一聲雷虛空  
飛閃電萬法一何歸雲開白日現翁印可之復掩關疎谿窮諸秘  
與翁住金粟名師監院事以平等心修癰和行化異同泯物我一  
衆悅服從至平陽創構大刹事無巨細盡心綜理翁嘉賴之衆化



吳興道俗以道場山古剎陵替日久延師住持始至四壁蕭然粟不滿斗師托盂而食絮薦而衣律身嚴苦爲衆誠懇久之繼素飯仰學徒雲集殿堂寮舍以漸修整田產器用取次增益創造翠微閣一山改觀立普同塔三法門及四衆各有區別遠近便之道場爲唐宋祖庭自無葺金正堂辨以後祖令寂寥宏覺老人亦嘗居焉不弊而去師乃法道風行一新壁壘師固於此山有大因緣亦其行業純篤感孚人天而致然也天竺禪師開法杭州之南澗鎮江之夾山與師道峯二三百里間利竿相望激揚宗旨更倡迭酬衲子往來此冬彼夏如東西屋如大小山諸方咸歎羨焉康熙甲戌春師同天竺還上海故里掃先人墓歸而天竺告寂師治後事既入塔謂人曰天和尙旣去地和尙且繼之蓋自謂也八月中示微疾吉祥而逝世壽六十八僧臘四十三嗣法弟子元照等十餘人塔於道峰之左與宏覺老人堅固子及天竺師衣鉢一塔而

三穴焉余爲南朝學人嘗訪天竺師于夾山又訪師於道場師亦  
嘗過余草堂道味相得一歲中聞二老繼沒不勝感悼今年春師  
之門人海明以狀來請銘乃序而銘之銘曰世儒詆釋捐親滅倫  
錚津石門辨之諄諄何如睦州養母服勤道濟天下不遺其親千  
載有師遠追高躅損鉢哺親紉布易粟援親入道冥行得燭追通  
樂邦教孝之鵠選佛場開萬鳥一鵬惟師與兄接武聯登齊振法  
鼓雙懸懋燈人世顯揚孰與爲朋吳興祖庭草深一丈振錫來游  
獅絃獨唱偈側旃檀駢闐龍象百廢具興人天所相承願而至委  
化而歸白月行空何去何來碧湖湖云道山崔嵬無縫塔存浩劫  
不灰

稼堂集

牟節甫存齋銘

魏了翁

人之一心虛靈公溥中天地立以莫廣字氣化流行陰陽舉廢職  
職並區芸芸同宇或飛或躍或散或聚發見在彼吾若無與有觸

在前豁然呈露而有至近飲食男女習矣不察行矣不著是無題  
微存不存故存之奈何以敬為主勿正勿忘勿長勿助在立則見  
無行不與吾非能之嘗事斯語謹述所聞以告節甫

鶴山先生大全

烏程李明府水堂觀元真子置酒張樂鼓筆亂揮盡武城贊

釋清晝

烏程魯邑異日同風洋洋弦歌復聞我公元真跌宕筆在神王楚  
奏鏗鏘吳聲瀏亮舒縱雲似頌綠霞狀點不誤揮毫無虛放謫謫  
武城披圖可望咫尺之內天高水清月疑山吐風恣松聲晴雨雲  
住春冬草榮北公爲政德暖生成盛烈暉暉雙揚厥靈

眉山集

元真子漁歌記

李德裕

德裕頃在內庭伏睹憲宗皇帝寫真求訪元真子漁歌數不能致  
余素與元真子有舊早聞其名又感明主賞異愛才見思如此每  
夢想遺跡今乃獲之如遇良寶於歲漁父賢而名隱鵝夷智而功

高若元貝隱而名彰顯而無事不窮不達其巖光之比與處二子  
之間誠有裕矣長慶二年甲寅歲夏四月辛未日潤州刺史兼御  
史大夫李德裕記

唐文粹

採菱渡石記

陳潤祖

監運沈君玉泉得異石於石林葉氏之廢園廉而不剗鋒而不屈  
黝然其光蒼然其色若干將出匣而未加磨礪也前後刻曰采菱  
渡其陽字二行王摩詰石虛用中書皆有印文復刻摩詰詩于下  
方云采菱渡頭風起策杖林中日斜杏樹塢邊漁父桃花源裡人  
家與集中稍異意爲輞川舊物而立於採菱渡者其景猶可槩見  
夫物固有無涯而能走千里者珠玉是也蓋爲世珍貴易於包舉  
石之爲物盤盤囷囷嶄嶄巍巍非百斛之舟數十夫之力莫能致  
世之嗜好之者不啻珠玉牛李之黨徧天下交相詆毀如冰炭品  
甲乙戒子孫嗜石如出一轍五季之亂委沒于荒烟亂草之中瓦

耳燕石也踰關河涉江淮來止於吳背牛李之石皆自太湖  
而西是石乃自西而南特爲世所愛重豈非摩詰之風流文采照  
映後世神物亦或護持使然哉於是扣石而問之曰爾能決浮雲  
揮墨嶼驅旱魃而致豐年之祥乎能斬佞臣誅奸宄雄三軍而爲  
府庫之重乎石不能言乃酌酒而爲之歌曰泰闕百二兮夢蝶哉  
秋風吹帽兮水揚波落故都兮渺何處白雲飛兮芳草多載歌曰  
城郭異兮人民非輞川千里兮何時歸照玉泉兮安且壽花溪之  
樂兮與君子而相依郡人陳潤祖爲之記

東溪集

峴山逸老堂社田記

陳幼學

太守受事之明年登逸老堂徘徊瞻眺興先民之思堂初於嘉靖  
丁未逸老者劉司空麟蔣司空瑤顧司寇應祥吳憲副龍陳大猷  
良謨輩少叅商臣唐北都樞一時同志皆高賢倡此社關中孫山  
人一元建業龍龔憲寬倚倚此中崑山張納言寰咸先後入社而

司空爲盟主諸公敦龐古峭風流嘯詠不減香山至道司空沒而社時舉時廢萬歷壬寅許司馬孚遠祖司空意廣之集七邑冠蓋春秋兩舉社先後遣可四十餘人詠詩講學斯爲盛焉越明年司馬捐館社尋廢太守問故曰社無田苦于合贖而莫適爲主也乃置負郭常稔田若干畝立籍於寶生禪院歲徵租廩而供春秋兩會會計出納士大夫以齒而狎主之會之日太守率僚佐亦一臨焉禮耆采風于是乎舉猶行古之道也第風俗淳澆非異人任卿先生實司之太守期於社會劑而廣之在社而宦者出有賸入有勞喪葬有賻遺老孀孤之不能有助吉從殷凶從贍與時捐的一切取辦社田歲以二社所餘息而拓之將不給是虞願郡邑之宦而尊顯者分俸良子弟之豐而慕義者分貲以廣厥額太守不德特嚆矢耳夫社之重也以崇齒德以昭禮讓以端表率以揚風雅所關於世道甚大是役也藉以可久太守庶幾賴有榮施矣

崇正  
馬提

升山黃龍洞復東坡先生祠堂記

張睿卿

東坡先生元豐二年四月二十九日移知湖州至八月徵赴御史臺在郡僅九十日耳嘗禱雨黃龍洞賦詩刻石先生所至有專祠在江南則秀之三過堂常之似蜀堂杭之孤山堂繪像俎豆宛然如生我湖峴山與顏清臣王梅溪兩公叅祀專祠別缺甚疑之萬歷二十余年余遊黃龍洞於灌莽中得礎石模剝剝落似有欵識令童洗剔額篆有東坡蘇公祠堂碑記八字豈淳熙八年蕭德藻所撰耶文漫漶不可讀移置館後余始知湖之專祀先生在升山因爲繪像位之左堂置山下田三畝俾道士歲薦菊泉續昔人就山專祀之意

送皇甫尊師歸吳興下山序

梁肅

尊師以齊物爲師抱神爲事有年數矣外則質貌蒼古遺是非於

耳目內則冲氣浩然卷虛無於橐籥常誦道德上下篇往來吳中  
諸山如浮雲獨鶴自適其適吾陋且遁迹不暇又焉識其所以戊  
辰仲夏觀於山陰精舍於時方牧追右軍許敬之期下走作壺邱  
禦寇之遇亦既合契於焉飽和百骸自理洋濶如洗先是師藏道  
書於下山之下而止未幾忽乎將行不受一毫之施且輕千里之  
別有一見無待之情矣予欲脫形神於鞅絆期方外之逸軌有志  
未就心焉火馳命養谷而游相從於赤水之上師乎師乎斯言不  
苟也夫

梁補闕集

贈高閑上人序

韓愈

苟可以寓其巧智使機應於心不挫於氣則神完而守固雖外物  
至不膠於心毫髮禹湯治天下養收治射庖丁治牛師曠治音聲  
扁鵲治病僚之於九秋之於弈伯倫之於酒樂之終身不厭奚暇  
外慕夫外慕徙業者皆不造其堂不躋其闕者也往者張旭善草



智不治他技喜然翫窮憂悲愉伏怨恨思慕酣醉無聊不平有動  
於心必於草書焉發之觀於物見山水崖谷鳥獸蟲魚草木之花  
實日月列宿風雨水火雷電霹靂歌舞戰鬥天地事物之變可喜  
可愕一寓於書故旭之書變動猶鬼神不可端倪以此終其身而  
名後世今閑之於草書有旭之心哉不得其心而逐其跡未見其  
能爲旭也爲旭有道利害必明無遺錙銖情炎于中利欲鬬進有  
得有喪勃然不釋然後一決於書而後旭可幾也今閑師浮屠氏  
一死生解外膠足其爲心必泊然無所起于其世必澹然無所於  
嗜泊與濬相遭飄飄雲塵散不可收拾則其於書得無象之然  
乎然吾聞浮屠氏善幻多技能閑知通其術則吾不能知矣

烏程縣譙門詩序

陳旅

郡邑有譙門俗矣譙門者謂其高樓於門上也蓋樓一名譙樓又  
呼爲巢故車之有襍者亦曰巢車云元統三年冬鎮陽宋侯丞烏

程見縣之譙門陋且敝顧謂其人曰樓之美者曰麗譙非惟以望遠也以政令所由出而容觀不可以弗壯也奈何敝且陋若是乃輟俸入規力以繕治之易圯腐爲崇固改殘落爲輝華民不知役而功成於是相與求詩於士大夫以譽美之邑文學許季蕃求序予謂昔周古公之爲門也詩人歌之曰臬門有仇又曰應門將將喜其門之能高而麗正也今郡邑視古諸侯之國而烏程爲東南壯縣天下有道君子得盈禮焉然則是門之成也亦可以作詩而歌之矣季蕃言宋侯又能興造邑校以崇教爲急務予益嘉侯之能作新斯人不獨在是門也故樂道之

安雅堂集

祭張子野文

蘇軾

子野郎中張文之靈曰仕而忘歸人所共敝有志不果日月其逝惟余子野歸及強銳優游茲鄉若復一世過人坦率真古愷悌罷然老成又敏且藝清詩絕俗甚典而麗搜外物情創發幽翳微詞

君蓋詩之寄坐此而窮麗水不繼嘯歌自得酒數詣我官於  
初始後擁筆歡欣忘年脫略苛細送我北歸屈指默計死生一訣  
流涕挽袂我來故國實五周歲不我少須一病遽蛻堂有遺像室  
無留嬖人亡深廢恨空鶴唳醉觴再拜淚溢兩背

東坡全集

### 祭安定先生文

王十朋

慶歷皇祐有三巨儒泰山徂徠盛不及湖春言此邦如淵與涑弟  
子訖訖三千之徒中庸有傳皇極以敷法行太學化廣震區諸老  
先生萬事問胡富矣道德賢哉範模國朝之治教在詩書先生之  
功不在都俞則守於泮松楸在吳歲時上冢冠帶必趨某受命天  
子來分郡符官既有守恨莫能俱叅命同僚往奠一壺嗟嗟先生  
今也則亡

梅翁集

### 跋李次山嘗溪漁社圖

周必大

唐元次山家樊上與漁者爲隣帶笭箬而歌歎乃今河陽李君次

山十築晉溪又號漁社其善學柳下者耶君方以尙書郎奉使全蜀六十一郡之官吏數十萬之將士莫不斂板受約束聽號令猶念舊社不置予欲遺語忘機之樂則君權任如此豈招隱時耶姑題卷軸歸之紹熙元年三月丁巳青原野夫周某

自壽文

政松雪翁重書陵陽牟公所作脫鞬返樞二圖

柳貫

宋白端平初士氣漸已萎靡重虛一二關寺實爲之故端明殿學士陵陽牟公時在西掖棘輒有言未幾去國作高力士爲太白脫鞬黃太史罷郡返樞二圖自爲贊嘗是時公之氣固已高揖李黃而與之肩視一二薰腐直蛇蟻耳雖朝夜即夕夷道曾何傷哉

制文

題脫鞬返樞二圖

嗚呼古之所以取亡者非一而漢唐之亡獨與宦者之禍爲終始

不悲哉當理宗時宋祚微矣盧董之儉謀狡智非不能爲甫節  
士良也衣冠之禍所以未至如建寧太和之烈者夫亦一時之清  
言勁論有以殺其勢而遏其衝乎故資政殿學士平公之守姑熟  
也常嚙脫鞬返棹二圖而爲之贊宋臣怒其議也風臺臣論罷公  
公去未幾而宋臣輒斥他日公旣召還宋臣亦輒進然竟以公疏  
卒不復用君子小人勝敗之機實繫於此是雖若無救于趙氏之  
亡其不遠亡于二三豎之手者天與人與覽是圖者未可第以爲  
一時之清玩也二圖作于寶祐丙辰後六十年爲今延祐丙辰公  
之孫深水教授君更購善工編圖爲小卷以便觀者且俾其門生  
黃潛識焉實是歲之九月九日也

黃文獻公集

謝陸處士杓山折新桂見寄

顏真卿

羣子遊杼山山寒桂花白綠萼含素萼採摘自浦客忽枉若中詩  
芳香潤金石全高南越嶺豈盡東山策會慙名山期從君恣陶醜

集公文集

奉應顏尚書具卿觀元具子置酒張樂舞破陣書洞庭三山

歌

清 查

道流迹異人共驚寄向書中觀道情如何萬象自心出而心澹然  
無所營手授毫足踏節披纖澆墨稱麗絕石文亂點急管催雲態  
徐揮慢歌發樂縱酒酣狂更好贊峯若雨縱橫掃尺波澶漫意無  
涯片嶺峻峭勢將倒眎際方知造境難象忘神遇非筆端昨日幽  
奇湖上見今朝卷舒手中看與徐輕拂遠天色曾同峯東海邊識  
秋空暮景颺威容翻疑是其畫不得顏公素高山水意常恨三山  
不可至賞君狂瀟忘遠遊不出軒屏坐蒼翠

杉山集

奉和顏公具題落元具子解船歌

滄浪子後元具子具其釣隱江之汜列木新成解艇舟諸侯落舟  
自茲始得道身不繫無機身亦閑從水遠遊今任風還朝五湖兮

山停綸乍人芙蓉浦擊汰時過明月灣太公取璜我不取龍  
釣鰲我不釣竹竿鱖魚從從此中自得還自笑汗漫一遊寓  
可期後來誰遇冰雪姿上古初聞出堯世今朝還見在堯時

同上

舟行懷閩士和

二月湖南春草遍橫山渡口花如霰相思一日在孤舟空見歸雲  
兩三片

同上

感興贈烏程李明府兼簡諸秀才

門前峴山近無路可登陟徒愛峴山高仰之常歎息不如松與桂  
生在重岩側

同上

送烏程李明府伯宣沈兵曹仲昌

水國苦彫瘵東望遺秦雲陰無盡時日出常帶雨昨夜西溪漲  
扁舟入層廡野人同鳥巢暴客若蜂聚歲宴無斗粟寄身欲何所  
空羨鸞鶴姿翩翩自輕舉

同上

送烏程李明府得陟赴京

驛吏滿江城深仁見此情士林推玉振公府薦冰清爲政移風久  
承恩就日行仲容綸綵貴南巷有光榮

同上

荅張烏程

莫道謫官無主人秣陵才今日相親前溪更有忘憂處荷葉田田  
問白蘋

同上

酬張明府

愛君詩思動禪心使我休吟待鶴吟更許郡中黃霸在朝朝無事  
許招尋

同上

題周諫別業

臨晉水

隱身苔上欲如何不着青袍愛綠蘿柳巷任陳容馬入水籬從破  
許船過却藏獨鶴閒心遠寂歷秋花野意多若訪禪齋還可見竹  
窗書幌共烟波

同上



夏日登觀農樓和崔使君

上梯簷楹煩襟四坐清  
霏微過麥隴蕭散傍莎城  
靜愛和花落  
口間入竹聲  
朝觀趣無限  
高詠寄深情

同上

酬烏程楊明府華前後小亭對月

夜涼喜無訟  
綠色搖閒情  
暑退不因雨  
陶家風自清  
凝弦停片景  
發詠靜秋聲  
何事禪中隱  
詩題忽記名

同上

秋日過和盧使君游何山寺宿敬上人房論涅槃經義

江郡當秋景  
期將道者同  
跡高憐竹寺  
夜靜賞蓮宮  
古磬清霜下  
寒山曉月中  
詩情綠境發  
法性寄筌空  
翻譯推南本  
何人寄謝公

同上

喜皇甫侍御見過南樓玩月聯句

喜嘉客闢前軒  
天月淨水雲  
持其雁聲苦  
蟬影寒聞裏  
滛滴檀  
樂陸羽歡宴處  
江湖間  
皇南會  
卷翠幕  
吟佳句  
恨清光  
畱不住

李

高駕動清角催惜歸去重徘徊  
意 露欲晞客將醉猶宛轉照深

巖子重以詩游於名勝間不幸且沒製美作詩序而弔之余

和

陸龜蒙

每值江南日落春十年詩酒愛逢君  
芙蓉湖上吟船倚翡翠岩前  
醉馬分祇有汀洲連舊業豈無章  
疏動遺文猶憐未卜佳城處更  
刷要離冢畔雲  
松陵唱和集

送烏程王明府貶巴江

包何

一片孤帆無四隣北風吹過五湖濱  
相看盡是江南客獨有君爲  
嶺外人  
全唐詩

送烏程水樓別

皇甫曾

悠悠千里去借此一尊同客散高樓上  
帆飛細雨中山程隨遠水  
楚思任青楓共說前期遠  
波處處通  
同上

宿後陳庄

張維

東初開茗水清烟村山郭可聞行灘頭斜日鳬鷺隊枕上西風  
鼓角聲一棹寒燈隨夜釣滿壑膏雨赴春耕誰言五福仍須惜九  
十餘年樂太平

癸辛雜識

送任適尉烏程詩

梅舜俞

勉作程鄉尉折腰還自甘下峯晴照黛昏水曉澄藍葑上春田闌  
蘆中走吏叅到時蘋葉長柳憚賦江南

宛陵集

何子楚賦九疑石不及見也吾壘弁峯石爲小寒林用其韻  
井及之

沈與求

我弁千峯倚天碧上有脩筠材可倚月明三弄面巉岩驚起哀猿  
啼峭壁兒童斷石攢青瑤寒林蕭蕭吹墮樵坐令結習落幽夢芒  
屨竹枝歸遠道覺來雙影徙相守哦子清詩筆如口眼中何必小  
玲瓏彷彿九疑石

神丹已失大江濤誰與收期追後塵分天

隔日不可到使我自斷蒼梧雲

龜溪集

和何山總長老一聯軒

劉一止

掃灘聞亭無個事林間一聲是何聲自從當日知音後本地風光見太平

青溪集

寄何山懸長老

汪藻

一見蟬聯話不休別來林壑又驚秋每思樹杪聞清磬幾欲沙邊具小舟未辨眼前茅一把誰知身後橘千頭遠公社裏栽蓮處他日還能著我不

淨溪集

杼山寶積寺詩

芮燭

木落天寒山氣沉年華客思共蕭森偶於佳處發深省其實宦游非本心紅日坐移鐘閣影白雲閒度石樓陰還家莫語神仙事老不寬人雪滿簪

西吳里語

送茂國祭院漕廣東

周必大

三才尊德箕張各避風別離雙髻異邂逅一尊同五嶺皇華使  
扁舟漁釣翁江分鴻不到書札若爲通

省齋文稿

題申居士賢溪圖

韓翊

賢溪居士買山圖碧玉峯前碧玉湖中有一邱容我老暮年居士  
肯分無

陵陽先生集

送松江朱煥章之烏程令尹

成原常

新除令尹烏程去霜落湖田十月初貂帽錦衣懷印綬青蓮白舫  
載圖書到官先謁將軍府省俗仍陪太史車東望吳淞三百里莫  
因尊翁賦歸歎

居竹軒集

詩岩老人歌

楊維禎

詩岩老人者吳興欽先生德載也老人仕宋爲都督計議  
官宋革老人奮義兵不肯送降款天兵募生致其人義其  
言議而官之老人列其板授言卽遁隱長山之石岩石生

冬青萬年之枝老人遂號壽岩又自志以文老人之死四十年其孫驥出其手澤求余歌之

壽岩老人宋都督不肯新朝食周粟水晶國裏七寶山別有天地非人間山中黃石眠怒虎圯上傳書曾有語歸來牧羊尋赤松萬年枝上盤冬龍冬龍萬年與石鬪老人一杯持自壽煉石未補天南空坐見瀛洲生軟紅嗚呼壽岩之人元不死南斗化石齊崆峒

鐵崖集附

### 訪牟大卿

任士林

自開黃葉徑城郭有山林老失相如壁竇嗟靖節琴書天姥樹在白髮鏡塵深欲叩黃唐事寥寥千載心

松鄉先生集

### 賦茗溪漁歌送嚴尉之烏程

吳師道

茗溪多漁村渺渺連震澤歸舟閒扣舷清唱咽水隔聲隨晚風響長入秋山碧官曹閒無事聽之聊自適條然滄浪思恨不同泛

如逢玄貝子應問金華客

吳禮部集

### 吳興楊節婦辭

王廷

丞相師昏長夜酒

謂張士信

司徒援絕憑城守七萬兵分誇

也坐視

霜風折柳冰肌月貌忍泥滓錦棚觸珮同歸水九原無愧先人面終身不作他鄉鬼君不見雕戈白馬氣如雲昨者烈丈夫今日降將軍嗚呼楊婦吳氏何可羣

梧溪集

### 題茗溪沈氏元節卷

黃金無留鎖白壁難泥取坤裝義安貞適然暗泥沙寧死嗚咽水不望菖蒲花感君回存妾妾命薄如葉此心許所天羅帶難再結君殊野鴛鴦妾非鬼胡蝶清風何搖搖吹彼溪上茗山指浮藍佩空碧度瓊簫至今一抔土民自戒芻蕘

同上

### 送烏程馮明府

高啓

青山若下南一騎入晴嵐縣治琴聲古泉香酒味甘竹欄春護鳴

羣第夏分微大小馮君後傳家爾最堪

高青邱大全集

送烏程馮明府

徐賁

夙負親人術初當出宰年青山依縣郭春雨僧湖田鳥下鳴琴後  
花飛判筆前民風非復古重作諭蒙篇

北郭集

舟中望佛燈院懷南澗

院在烏程六郎趙家橋東北久廢今爲歸安前近吳氏墳墓

張羽

蕩舟西陂上望山懷遠公遙知覆衲臥雪屋一燈紅事殊迹暫曠  
神交理自通惟當待歲杪期子白雲中

解居集

題蘇潭別業

唐棣

地遠市塵渾不到信知此地是郊垌門前水浸蘼根綠郭外山垂  
屋角青家宴朝朝呼玉友春盤日日課園丁從教春色歸桃李只  
種長松采茯苓

吳興絕唱

寫竹贈戴山黃方伯

曹侃



湖浦泊蘭橈萬玉森森宿雨消記得推篷涼夜永月明一曲

鷺簫 明詩錄

秋社和朱雪峯韻

韋商臣

近園青千疊遙山碧四圍舟從天際至鴈向雨中飛殘暑蒲葵扇  
新涼薜荔衣更憐天欲霽返照弄餘輝 明詩錄

丙午秋社和我齋半溪聯句韻

蔣 璠

湖上雲亭紫遠心羣公蘭棹幾遙臨才周七會逾三祀已有存亡  
半古今野寺殘僧烟樹暝所碑斜石蘚苔侵天開圖書元無犯一  
度游行一賞吟 吳興蔡文補

秋社

施 佑

碧樹丹楓郭外村清談訂約宴名園雲隨山色時圍屋月送溪光  
夜眠門者舊幾回同一笑世情今喜得重論微吟細酌拚溪坐還  
促兒童洗酒尊 南村詩稿

秋社和施南邨韻

吳龍

背郭人家僻似村  
亭臺竹樹愛芳園  
高秋結社重開徑  
小艇緣溪直到門  
美酒儘教花下飲  
新詞同向醉中論  
更憐水檻臨清泚  
起傍闌干自洗尊

附錄集

春社和坦翁集韻

孫濟

麗日雲霞綺綺羅  
春明淑氣散融和  
舟隨流水沿溪岸  
鳥引飛流出澗阿  
吟傍雲林啼鳥近  
坐當風樹落花多  
袖毫欲擬閒居賦  
下里難酬白雪歌

吳興藝文補

烏程夜泊

虞謙

蕩槳五湖遊興長  
路經蒼雪類瀟湘  
清波的的魚龍宅  
斜日陰陰禾黍鄉  
杜牧空思人競渡  
龜蒙長歎鴨聞堂  
船頭喜有薰風棹  
細雨看山賦夕陽

同上

雪上秀溪亭詞金門詞

吳潛



爲一家而況其同祖者乎是在擴克而已矣余代巡兩浙按吳興  
聞故學士陳公啓先四世孫曰升者有高節重義置田惠族世宗  
肅皇帝錫以七品清階會孫都讀延祝君承其志修其業樹風表  
問余實有責焉誠能以擴克之達于鄉迄於天下必尙有進  
乎是者都誠爲余同年友世多賢哲書此以屬望其將來

烏程縣志卷之十六

雜記

比事錯辭揚摧而陳聖寃於古作系於今篇章畢覲摭  
紛綸不知所裁夫何足云譚言志餘補苴斯存略其蕪穢  
掇其雅馴綴之簡末用廣舊聞志雜記第三十

歐陽氏山白姁姓夏少康庶子封於會稽至越王無疆爲楚所滅  
無疆子蹄更封於烏程歐餘山之陽爲歐陽亭侯遂以爲氏

唐  
宰相  
系表

謝夷吾會稽山陰人少爲邵東學風角占候太守第五倫擢爲督  
郵時烏程長有賊曩倫使收之夷吾到縣無所驗但望閣哭伏  
而還一縣驚怪不知所爲及還白倫曰竊以占候知長當死近  
三十日遠不過六十日游覽假息非刑所加故不收之至月餘  
果有驛馬齎長印綬上言暴卒

後漢書方術傳

吾粲生數歲菰城姬見之謂其母曰是兒有卿相之骨

顧雍子邵爲豫章太守烏程吾粲起微賤邵拔而友之爲立聲譽

衆至太子少傅

三國志顧雍傳

抗徐字伯徐爲中郎將宋齊別部司馬擊太山賊公孫舉等破平之

封烏程東鄉侯五百戶

後漢書度尚傳

孫堅字文臺吳郡富春人中平三年拜議郎時長沙賊區星攻圍

城邑乃以堅爲太守到郡旬日克破星等周朝郭石亦起于零

桂與星相應遂越境討三郡肅然漢朝錄其後功封堅烏程

侯

三國志本傳

建安二年夏漢朝遣議郎王綰奉詔書以策爲新都尉襲爵烏程

侯

江表傳

吳郡太守陳瑀陰圖襲策遣使持印傳與烏程嚴白虎等使爲內

應

同上

烏程鄭他錢銅等各聚衆數千策引兵撲討皆攻破之

其錄

孫皓字元宗權孫和子孫和立封皓爲烏程侯遣就國西湖民  
養相皓當大貴休甌國內貪得長君左典軍萬彧昔爲烏程令  
與皓善稱皓才識明斷長沙桓王之儔又加之好學遵奉法度  
屢言之丞相漢陽與左將軍張布說休妃大后朱於是遂迎立  
皓皓以彧爲左丞相

三國志本傳

周處字弘祖字宣佩元帝初鎮江左以爲倉曹屬吳興人錢璠  
謀反來寇玆進討斬之平定江南帝嘉其勲封烏程縣侯進爵  
爲公祿秩寮屬一同開國之例子觀嗣札字宣季爲吳興內史  
封東遷縣侯

晉書本傳

戴洋好道術司馬巖爲烏程令將赴職洋曰君宜深慎下吏巖後  
果坐吏免官

晉書巖傳

羊欣泰山南城人父不疑爲烏程令欣時年十二王獻之爲吳興

太守嘗夏月入縣欣著新絹裙晝寢獻之書裙數幅而去欣本

工書因此稱善

宋書本傳

孫恩自海襲會稽吳興邱元等八郡一時俱起殺長吏以應於是

吳興太守謝邈烏程令夏侯惇等皆遇害

晉書孫恩傳

晉錢寵字士驚東遷縣開國侯

長興縣志

元嘉三年閏正月己丑甘露降烏程太守王韶之以聞

宋書符瑞

元嘉十年烏程有白龜見太守袁思道表進

同上

元嘉十七年十月誅烏程令盛崇泰等崇泰康黨也

宋書彭城王尚

大明五年四月乙卯甘露降烏程太守王子頊以聞

宋書符瑞志

大明七年十二月辛丑朔甘露降吳興烏程令荀宇之以聞

同上

泰始二年九月壬寅白鳥見烏程太守郗願以狀聞

泰始二年長城奚慶思殺同縣鐵仲期仲期子延慶屈役在都聞

父死馳還于庚浦埭逢慶思刃殺之自繫烏程縣獄吳興太守



表不加罪許之 宋書孝義傳

元徽四年十一月乙巳甘露降烏程太守蕭惠明以聞烏程余山

道人慧獲碧玉惠明以獻 宋書符瑞志

張瓌建元二年爲吳興太守三年烏程令顧昌言有罪瓌坐不糾

免官 南齊書本傳

永明二年七月烏程程父則家槿樹連理 南齊書解璠志

永明五年吳興東遷民吳休之家女人雙生二兒胸以下臍以上

合夏吳興雨傷稼 南齊書五行志

大監中烏程令鮑謙解嘉禾一莖六穗 初傳連嘉禾表

梁蘇舉字子羽封烏程縣侯 晉元嘉永志

高祖宣皇后章氏諱要兄吳興烏程人本姓鈕父景明爲章氏所

養因改焉景明梁代官至散騎侍郎後母蘇嘗遇道士以小龜

遺己光采五色曰三年有徵及期后生而紫光照室因失龜所

左少聰慧美容儀手爪長五寸色並紅白每有期功之服則一爪先折高祖先娶同郡錢仲方女早卒後乃聘后后善書計能誦詩及楚詞高祖自廣州南征交趾命后與衛陽王昌隨世祖由海道歸于長城伊魯之亂高祖下至豫章后爲景所囚景平而高祖爲長城縣公后拜夫人及高祖踐阼永定元年立爲皇后追贈后父景明特進金紫光祿大夫加金章紫綬拜后母蘇安吉縣君二年安吉縣君卒與后父合葬吳興明年追封后父廣德縣侯謚曰溫高祖崩后與中書舍人蔡景歷定計秘不發喪名世祖入纂世祖卽位尊后爲皇太后官曰慈訓廢帝卽位尊后爲太皇太后光大二年后下令黜帝爲臨海王命高宗嗣位太建元年尊后爲皇太后二年丙申崩于太極殿年六十五遺令喪事所須並從儉約諸有饋奠不得用牲牛其年四月辛臣主諡曰宣太后崩葬義安陵后親屬無在朝者惟族兄

宵至中散大

唐書

大業二年詔作興龍宮衛課州縣遂羽毛民求捕之殆無遺類烏  
禪昇山有祠百尺上有鶴巢民欲取之不可得乃伐其巢鶴無  
殺其子自拔髦毛救地時人稱為瑞

附書

皎然以詩名於唐有僧袖詩謁之皎然指其御溝詩云此波涵聖  
澤波字未穩當改僧艷然作色而去僧亦能詩者也皎然度其  
去必復來乃取筆作中字於掌中握之以待僧果復來云欲更  
爲中字如何皎然展手視之遂定交

唐書

太和二年烏程閣下生蓮花方是時憲宗中興諸道皆用兵而江  
南稍安蓮本水產而生於閣下亦和氣所孕毓也

萬歲歷

吳越傳史載錢鏐題湖州嬰蘭堂詩初疑郡故有碧瀾堂似寫  
偶誤及讀古樂府作蠶絲云柔桑載陽風阿那嬰蘭婦蓋江南  
蠶務獨盛吳興唐人或采此名堂耳嬰字殊費解或曰嬰具童

推義如左氏之稱季蘭者

次景集

蘇爲酷嗜吟詠大中祥符間知湖州有吳興詩數十首唯一篇足

爲絕唱曰朝艇閒撐處湖天景亦微春波無限綠白鳥自南飛

柳色濃垂岸山光冷照衣時攜一壺酒戀到晚涼歸

清肅雜記

黃昌作亂圍嘉興顧全武將兵往救破烏墩寨

十國春秋

高彥遷湖州刺史道場山僧如訥彥常以師禮事之

同上

廣順三年二月湖州所隸建州降卒鄭懷嵩等十一人以刺史散

香于資福寺遂率其黨二百餘人作亂卽曰燕誅之

同上

蘇東坡任杭州通判轉運司差往湖州相度堤岸利害因與孫覺

相見作詩與覺云天目山前綠浸裾碧湖堂下看銜鱸作堤捍

水非吾事閒送蒼溪入太湖東坡爲先會言水利不便却被時

運司差相度堤岸乃云作堤捍水非吾事意言本非興水利之

人以譏諷水利之不便也

烏衣詩集

宅在鄉校肄業直廬後產雙頭蓮花守兵自教授諸生以  
之折取諦視葉間隱隱有金書賈君姓名諸人共致慶語勉之  
力學以來歲大魁相期輕薄子笑曰賈獺子作狀元天下無士  
人矣時賈正病瘡遍體故云至秋獲售廷對第一 吳興掌故集  
或言湖州以潘丙之事改名安吉州乃寓潘丙二字史相之狡猾  
也 同上

蕭千歲得舊藏辭章後歸俞壽翁嘉禾趙子固復從壽翁得  
之喜甚乘舟夜泛而歸至雪之界山風雨作舟覆行李淪沒無  
餘子固方被濕衣立淺水中手持辭帖示人口蘭亭在此餘不  
足介意也因題八言于卷首云性命可輕至寶是保 西湖志餘

唐烏程尉蘇頲墮吳興一潭中至今號藕公潭錢唐錢惟善江月  
松風集送趙季文之官湖州分題得蘇公潭有句憶蘇環墮此  
潭以環作頲豈曲江居士亦有此誤耶 芷畦閒見日記

至正壬辰春自杭州避難居湖州三月二十三日黑氣亘天雷電以雨有物若果核與雨雜下五色間錯光瑩堅固破其實食之似松子仁人皆曰娑婆樹子閏四月十二日復雨八月過杭州因知三月十八日亦雨如湖州郡人初不以爲異及九月十日紅巾犯省治兩核之地悉被兵火無有處屋宇如故余弗之信九月二十六日湖州陷儀鳳橋四向焚戮特甚追思兩核時橋四向爲最多信前言不誣也

同上

元貞元年五月烏程縣水

元史五行志

沈夢麟花谿集中有烏程許大尹待東白詩名軼不傳府縣志亦不載其詩曰旄陽孫子宰烏程出署朝朝戴啓明身委公家思早作志勤王事坐殘更誰鳴城郭天光爛花拂衣裳旦氣清太史若修忠孝傳定書吾道許侯名

湖州集

王銘字子敬和州人至正丙午明太祖命諸將攻浙西銘常從出

王直超湖州之毘山與敵兵水陸戰敵兵敗北直抵  
錦興有功錫丞相張士信悉境內精兵來援屯子舊館出  
之背忠武王簡伉健士由大錢港繞出東遷復出敵背為奇兵  
以分其勢且填塹溝港絕其歸路銘在行間挺戈先驅晝夜  
之力又敗其援兵偽元帥徐義之眾於烏鎮冬十月舊館降湖  
州亦下遂攻蘇州大小之戰數十

蘇平仲集

沈氏烏程人成化初被選入官有詩寄弟溥云一自承恩上帝機  
繡將寸草荅春暉朝隨步輦趨丹戾夕侍鸞輿入紫闥銀燭燒  
殘空有夢玉釵敲新竟無歸年來望汝登雲路同補山龍上袞  
衣溥後以舉人仕至別駕

小阜齋詩話

永樂九年七月湖州淫雨沒田十三年六月烏程等縣水傷田

洪熙元年六月湖州大雨連月烏程等縣低田皆沒

明仁宗實錄

正德九年烏程蝗不害稼

烏程文獻

正德十三年六月五日菁山南塢至垓頭山雪積寸許

嘉靖十年九月西門外地陷數十丈

萬曆湖州府志

嘉靖十一年烏程庚村產芝數十本

同上

嘉靖三十九年峴山產芝數十本十二月雷電大作

同上

烏鎬王雨舟承祖父鉅產嗜學讀書法書名刻盈寶峴樓騷人墨

士日常滿座外若放浪中實介然決擇有優人乘醉呼公名辱

罵家人欲詰責之公不許一日宴客名其人歌而侑觴公語家

人曰我與客坐彼獨立而歌不止辱之也公嘗用重值售古鏡

一出以示門下客一不滿意鏡墮地破其人踣跡不勝公慰之

曰吾前所云重價給君耳實價不過兩許君毋芥蒂於心也其

厚德類此

其詞絕調

南潯一人偶遇江西林春元善相術相之曰公神色有愛



於室其人與婦計曰我死無恨但一事未了是某  
其某人女我托之媒今某死家凋落我死彼必棄去遂以  
積千金爲彼通財禮令畢姻事且告之曰女多力能日成之  
其夜如夢非夢見神告曰汝命已盡但有陰德上壽已增汝壽  
果年八十餘而終

許人同誌

張莊倩公自束髮以及蓋棺未嘗一日不祇職名檢時俗務熟脂  
韋之態特厭却之華靡侈麗一無所好居常進止有恒度雖燕  
閒無情容嫺語尤虛懷好問勇于從善未嘗自用而以所長加  
人但剛腸疾惡視權奸若不可一日與居者穢相以是行公將  
中傷之賴公自律嚴謹卒無其隙伊藩之靖制之於未發優游  
緩帶而消數十年之潛惡人見其易而使朝廷不苦其難非抱  
負宏深不能及此也

見聞紀訓

嘉靖乙丑我湖張莊倩公子天秩偕余至會場前閱示監場侍御

已出示不許舉人進柵內閒走捕者因執張從一人欲送御史  
所張公子聲色不動其從者亦不曰我御史大夫人也任縛去  
旣而釋之可見莊僖公家之謹飭而子若僕之閑於教也

同上

烏程令射陂集公刻意詩文不廢邑事足稱循良吏云自北來介  
溪嚴公蔡峯黃公俱託舉致書清惠一日持書偕長興劉令同  
候清惠是日天本雪清惠衣大紅鶴擎衣相迎款二公飯中廚  
出漬腐二盤大鯽二尾此外無他物也其超於世味之外而游  
乎澹泊之天如此

同上

湖庠名士黃榜庸先生入室弟子也以貢士爲南平學諭余僉闕  
憲及興相與不五六日即過衙內叙舊論心公言侃侃闕闕無  
一毫阿附意初不以貧故語及地方事也後以母年八十乞歸  
畜路雨之者衆余爲之自揜院門楚個先生定向資其路費得

歸尋卒

同上

沈與洲先生工部亞卿鏡宇公之治家甚嚴子孫崇  
什每夜膳畢子孫俱集燈火下聽教必至深夜寒暑無異一日  
李子過訪問飯先生安席鏡宇公居長執杯箸送先生主賓相  
對四子俱侍自始至終並不聞一字出聲其家法如此

同上

沈與洲家規整肅聯姻多窮交修士清白吏子孫皆上豪有力者  
一時烜赫公不屑也凡聘禮出入厚不過五十金或三十金嫁  
女獨厚以其所息者饒也公以勤儉起家一子弟被襪來見公  
終身不喜歲杪所入必計明歲內外大小食指多寡錢糧戶役  
師友束脩疾病醫藥吉凶諸費或天時旱潦意外事故一切不  
時之需悉爲經畫儲蓄有餘方敢買田宅宴會優人不入門  
重伯念爲宗伯之孫給事之子先給事登第士族以疏論國本斥  
爲編氓董宗伯貲產過厚怨滿一鄉伯念思稍散之以結人心  
宗伯不謂然而伯念奮然行之舉故鄉以示小民或止半價或

許回贖各有條緒湖俗故歸悍至此不以爲恩反共訐董氏直  
謂諸產俱屬白佔欲盡徒手得之咻咻者日千百人伯念不能  
無中悔而御史彭魯軒應參來按浙彭爲令負清勁名在西臺  
亦錚錚巡方入苦諸仇董者爭先投牒填塞途巷井及祭酒范  
屏麓應期彭愛兩家詞俱以屬郡邑追逮紛紜兩家紀綱用事  
者盡入徃并祭酒不能堪至雉經死范事得小解而伯念日夜  
爲乃祖所恨曾乃謀之江湖一斥生周姓者曠祭酒夫人上疏  
鳴冤范於今上初元曾僞員講官上見疏大怒給事孫鵬初  
侯等復各疏糾彭之橫御史逮去并巡撫王洪陽汝訓亦罷  
董氏事漸以消弭而伯念與宗伯以憂勞成疾相繼下世  
念有才名其志業不凡不幸爲富貴所累以致短折惜哉

獨

詩山有臺一區製甚宏麗塋城宛如城郭雉堞樓櫓無不具

闕覽爲之今雖廢壞石門二扇猶存城中石臺一座皆鑿入石  
故事宛轉八角臺下爲壙壙中爲屋三間亦皆鑿石甃砌梁柱  
榱桷儼然其前一面復施二石門上加扁額懸棺于梁翁仲羊  
虎華表之類屈曲排列往年爲盜所發金寶無算土人相傳爲  
張太師墳蓋清河郡王張俊也 舊紀

潘少保季馴築祝親家廟于昆山之巔萬歷丙子春有五色芝百  
餘本叢生如麻被于山岡吳中士大夫見而異之競爲賦詠題  
曰芝林集 湖錄

萬歷二十五年二月二日黑雨 烏青文獻

萬歷三十二年十月九日烏程地震 崇正烏程縣志

萬歷四十四年十二月七日烏程天鼓鳴湖田大熟高阜山鄉有  
蝻 同上

烏程縣志卷之十六終